



Broj: 05-07/23

Mjesto i datum: 14.07.2023.

Javni poziv za eksternog člana/icu Komisije za odabir projekata u sklopu programa G(a)rant mladih

Vijeće mladih Federacije Bosne i Hercegovine je krovna organizacija za mlade, prepoznata i kreirana u skladu sa Zakonom o mladima u ovom entitetu. U decembru 2015. godine je održana osnivačka Skupština na kojoj su predstavnici šest kantonalnih vijeća mladih formirali ovo udruženje, a koje od tada aktivno radi na poljima rada sa mladima, javnog zagovaranja, politika prema mladima, te unaprjeđenju omladinskog organizovanja u Federaciji BiH.

Vijeće mladih FBiH raspisuje Javni poziv za eksternog člana/icu Komisije za odabir projekata u sklopu programa G(a)rant mladih, a u skladu sa Statutom i propisanim internim pravilima i procedurama organizacije. Više o programu G(a)rant mladih možete pronaći [ovdje](#).

Komisiju za odabir projektnih prijedloga čini: stručni saradnik/ica za dodjelu grantova, finansijski administrator, član/ica Upravnog odbora Vijeća mladih FBiH i eksterni/a član/ica. Eksterni član/ica će dodatno doprinijeti na objektivnosti i transparentnosti cjelokupnog procesa, te mogućnosti angažmana mlade osobe u ovakvom procesu. Komisija za odabir projektnih prijedloga sastajat će se do dva puta mjesečno uz mogućnost vanrednog sazivanja sjednice Komisije.

Svaki od članova/ica će imati mogućnost bodovanja svake pristigle projektne aplikacije prema kriterijumima definisanim u pravilniku. Ukoliko se iskaže potreba, Komisija može zatražiti dodatno vrijeme za odabir projektnih prijedloga, a ne duže od 14 dana.

Naziv pozicije: Eksterni član/ica Komisije za odabir projekata

Period angažmana: mjesec (1) dana

Tip angažmana: Volonterski angažman

Javni poziv otvoren do: **24.07.2023. do 23:59 sati**

Očekivani početak angažmana: **26.07.2023.**



Kriterijumi za izbor eksternog člana/ice su:

- Mlada osoba od 15 do 30 godina starosne dobi sa adresom prebivališta u Bosni i Hercegovini;
- Minimalno dvije godine relevantnog iskustva u polju omladinskog rada;
- Poznavanje strukture Vijeća mladih Federacije BiH i politika prema mladima;
- Kandidat/kinja ne dolazi iz organizacije koja se prijavljuje na poziv zbog sukoba interesa;
- Učešćem u Komisiji isključuje mogućnost apliciranja na Javni poziv zbog sukoba interesa;
- Kreativnost i inovativnost u radu;
- Sposobnost rada u timu i dobar timski duh.

Mogućnosti:

- Rad u dinamičnom, mladom i stručnom timu;
- Prilika za stjecanjem novih znanja i vještina u pozitivnom radnom okruženju;
- Prilika za usavršavanjem na polju omladinskih politika i omladinskog organizovanja;
- Osvajanje poklon paketa po završetku angažmana;
- Putovanja i umrežavanja na projektnim aktivnostima podržanih projekata u sklopu programa G(a)rant mladih;
- Mogućnost ponovnog angažovanja od strane Vijeća mladih Federacije BiH.

Svi zainteresirani kandidati_kinje trebaju poslati **svoj CV** te **listu ideja** kojima biste kao eksterni član/ica Komisije dali svoju podršku sa naznakom „Prijava za poziciju eksternog člana/ice Komisije“ najkasnije **do 24.07.2023. godine (do 23:59h)** putem mail adrese konkurs@vijecemladih.ba.

Formu liste ideja možete preuzeti na ovom [linku](#).

Samo će kandidati_kinje koji prođu u uži krug biti pozvani na razgovor sa Komisijom.



VIJEĆE MLADIH
FEDERACIJE BiH

Vijeće mladih Federacije Bosne i Hercegovine
Buka 10, 71000 Sarajevo
T: +387 (0)33 204 104
E: info@vijecemladih.ba
W: vijecemladih.ba

Više informacija o krovnoj organizaciji za mlade u Federaciji BiH – Vijeću mladih FBiH, možete pronaći na www.vijecemladih.ba ili se obratiti na mail: irma.residovic@vijecemladih.ba.